

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
*Komisija za jednakopravnost spolova/
Povjerenstvo za jednakopravnost
spolova*



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ПАРЛАМЕНТ ФЕДЕРАЦИЈЕ
ПРЕДСТАВНИЧКИ ДОМ
Комисија за једнакоправност сполова

BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Broj: 01/10-02-1957/25
Datum: 27.10.2025. godine

**PREDSTAVNIČKOM DOMU
PARLAMENTA FEDERACIJE BIH**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 28-10-2025			
Org. jed.	Broj	Priloga	Vrijednost

Komisija za jednakopravnost spolova Predstavničkog doma Parlamenta Federacije BiH (u daljnjem tekstu: Komisija) na 22. sjednici, održanoj 27.10.2025. godine, razmatrala je sljedeći dnevni red:

1. Nacrt Zakona o izmjenama i dopunama Zakona o roditeljima njegovateljima u Federaciji BiH,
2. Strategija za prevenciju ovisnosti u Federaciji BiH 2025. – 2035. godina,
3. Izvještaj o realizaciji Strategije za prevenciju i borbu protiv nasilja u porodici 2024.- 2027. tokom 2024.godine,
4. Razno.

Na osnovu člana 44. a u vezi sa članom 66. Poslovnika Predstavničkog doma Parlamenta Federacije Bosne i Hercegovine, Komisija Predstavničkom domu podnosi sljedeći:

IZVJEŠTAJ

Ad - 1. Nacrt Zakona o izmjenama i dopunama Zakona o roditeljima njegovateljima u Federaciji BiH

Predsjednica Komisije dala je uvodne napomene, te pozvala ovlaštenu predstavnicu Federalnog ministarstva rada i socijalne politike da članove Komisije detaljnije upozna s Nacrtom Zakona o izmjenama i dopunama Zakona o roditeljima njegovateljima u Federaciji BiH. Nakon obrazloženja ovlaštene predstavnice Federalnog ministarstva, Komisija je jednoglasno podržala usvajanje Nacrta Zakona o izmjenama i dopunama Zakona o roditeljima njegovateljima u Federaciji BiH jer ga smatra dobrom osnovom za izradu Prijedloga Zakona, te predlaže Predstavničkom domu njegovo usvajanje.

Ad - 2. Strategija za prevenciju ovisnosti u Federaciji BiH 2025. – 2035. godina

Predsjednica Komisije je dala uvodne napomene o Strategiji za prevenciju ovisnosti u Federaciji BiH 2025. – 2035. godina. Nakon diskusije, Komisija je jednoglasno podržala usvajanje Strategije za prevenciju ovisnosti u Federaciji BiH 2025. – 2035. godina.

Ad-3. Izvještaj o realizaciji Strategije za prevenciju i borbu protiv nasilja u porodici 2024.- 2027. tokom 2024.godine

Uvodne napomene dala je predsjednica Komisije, istakla je veoma bitnim da se ova tema nalazi na dnevnom redu sjednice Predstavničkog doma, jer je na tome, kako je naglasila, i lično insistirala. Članovima Komisije se obratio ovlašteni predstavnik Gender centra Vlade Federacije BiH te detaljno predstavio navedeni Izvještaj. Također, članovima se obratio i ovlašteni predstavnik Federalnog ministarstva unutrašnjih poslova, te istakao da je Federalno ministarstvo unutrašnjih poslova izradilo podzakonske akte, odnosno pravilnike iz svoje nadležnosti koji se odnose na Zakon o zaštiti od nasilja u porodici i nasilja prema ženama. Tokom diskusije naglašena je važnost kontinuirane edukacije svih u lancu zaštite žrtava nasilja u porodici. Nakon diskusije, Komisija jednoglasno podržava i prima k znanju Izvještaj o realizaciji Strategije za prevenciju i borbu protiv nasilja u porodici 2024.- 2027. tokom 2024.godine.

Ad -4. Razno

U sklopu ove tačke dnevnog reda, predsjednica je informisala ostale članove da će u novembru 2025. godine u okviru «16 dana aktivizma» biti održana zajednička tematska sjednica radnih tijela oba doma Parlamenta Federacije BiH. Najavila je da će i ta sjednica, kao i prethodne, biti održana uz podršku Misije OSCE-a u BiH, te pozvala sve članove Komisije na aktivno učešće. Tematska sjednica biće posvećena provedbi Zakona o zaštiti od nasilja u porodici i nasilja prema ženama.

U skladu sa članom 53. Poslovnika Predstavničkog doma za izvjestiteljicu je određena Alma Kratina, predsjednica Komisije.

PREDSJEDNICA KOMISIJE

Alma Kratina

